

Broj: 01-3-1085-3/22

Datum: 20.10.2022. godine

Na osnovu člana 71. Zakona o visokom obrazovanju Kantona Sarajevo („Službene novine Kantona Sarajevo“, broj 36/22), člana 108. Statuta Univerziteta u Sarajevu, člana 31. Zakona o prevenciji i suzbijanju korupcije u Kantonu Sarajevo („Sl. novine Kantona Sarajevo“, broj 35/22), člana 6. Pravilnika o postupku internog prijavljivanja korupcije i postupanju po prijavama na Univerzitetu u Sarajevu - Fakultetu političkih nauka broj: 01-3-1085-1/22 od 07.10.2022. godine, po prethodnoj saglasnosti sekretara, dekan donosi:

RJEŠENJE

- I- Elma Guzonjić-Bešić (u daljnjem tekstu: Ovlašteno lice), Viši stručni saradnik u dekanatu, ovlašćuje se za prijem prijave korupcije i za postupanje po prijavama korupcije.
- II- Ovlašteno lice je dužno da postupi po prijavi bez odlaganja, a najkasnije u roku od 30 dana od dana prijema prijave.
- III- Ovlašteno lice samostalno provodi radnje utvrđivanja osnovanosti prijave korupcije.
- IV- Ovlašteno lice ima pravo neposrednog uvida u predmete, poduzete radnje i sve druge akte na koje se prijava odnosi ili koji mogu biti povezani sa prijavom.
- V- Svi uposlenici Fakulteta su dužni saradivati sa ovlaštenim licem i pružiti mu sve potrebne informacije koje se tiču prijave korupcije.
- VI- U roku od 30 dana od dana podnošenja prijave, ovlašteno lice je dužno obavijestiti prijavitelja o mjerama i aktivnostima poduzetim po podnesenoj prijavi.
- VII- U roku od osam dana od dana okončanja postupka po prijavi, ovlašteno lice je dužno dostaviti prijavitelju odluku o ishodu postupka po podnesenoj prijavi korupcije.
- VIII- U roku od osam dana od dana okončanja postupka po prijavi, ovlašteno lice je dužno obavijestiti Ured za borbu protiv korupcije i upravljanje kvalitetom o ishodu postupka po podnesenoj prijavi korupcije.
- IX- Ovo Rješenje stupa na snagu danom donošenja.

Obrazloženje: Postupajući u skladu sa čl. 31., 33. i 34. Zakona o prevenciji i suzbijanju korupcije u Kantonu Sarajevo, te čl. 6., 7. i 8. Pravilnika o postupku internog prijavljivanja korupcije i postupanju po prijavama na Univerzitetu u Sarajevu - Fakultetu političkih nauka , dekan je donio rješenje kao u izreci.

Sekretar organizacione jedinice Univerzitet u Sarajevu - Fakultet političkih nauka, Umihana Mahmić mr.iur., potvrđuje, da je Rješenju skladu sa zakonskim i podzakonskim propisima koji su na snazi, te da je dekan Univerziteta u Sarajevu - Fakulteta političkih nauka nadležan za donošenje istog shodno članu 71. Zakona o visokom obrazovanju („Službene novine Kantona Sarajevo“, broj 36/22).

DEKAN

Prof. dr. Sead Turčalo

Dostaviti:

- 1. Elma Guzonjić-Bešić
- 2. Dosije Elme Guzonjić-Bešić
- 3. a/a